



Kaupapa
Mīharo

Wero
Wai

Ngohe 6.2: Whāinomia tō hapori

**E ngā mātanga PŪRAU, me āwhina e koutou tō hapori!
Kia kaha koutou i te tauwhāinga whakamutunga.**

Hono atu ki tētahi atu rōpū, he horopaki ā-wero anō tā rātou, ā,
whakakotahihia ngā whatunga wai e rua ki te whāinu i te hapori katoa!

Tūhonoa ngā whatunga wai e rua

Hei mahi 1

Mā te mahi ngātahi ki tērā atu rōpū,
whakaritea he mahere hei tūhono i
ngā whatunga wai e rua kia kotahi.

Hei mahi 2

Tūhonoa ngā whatunga wai
mā te whakamahi i ētahi atu
rauemi e wātea ana ki a koutou.

Hei mahi 3

Katia ngā katiwai katoa,
ā, tirohia anō ngā
hononga wai katoa.

Hei mahi 4

Waiho tētahi ipu kua whai tapanga
ki ngā tukunga wai ā-hapori e whā,
arā, ki te whare tinei ahi, ki te whare,
ki te kura, me ngā hōhipera.

Hei mahi 5

Riringihia kia 500ml o te
wai ki ngā ipu ine e rua.

Hei mahi 6

Āta riringihia te wai o te ipu tuatahi
ki roto i tō kurawai, kātahi ka riringi
i te wai o te ipu tuarua ki roto.

Hei mahi 7

Kia rite koe, huakina te katiwai, ā,
mātakitaki i te wai e rere ana! Tuhia
ō kitenga ki te hopu-whakamātau.

Me whai koe ki te whakamahi anō i ngā
wai i whakamahia ai i ngā whakamātau
o mua atu, i ahu mai rānei i te ine-ua.

Me whai ēnei:

- Ngā whatunga wai whakamutunga e rua
- Ētahi atu kōrero wai, me ētahi atu hononga wai
- Kia 1000ml o te wai
- He ipu ine
- He rauemi hei whakapūmau i te noho a ngā whatunga wai e rua (he pouaka, he tēpa, he rawhi nui)
- Kia 4 ngā ipu, ka pupuri ia ipu i te 1000ml o te wai

Kāore e whai wāhi ki tēnei ngohe tō
pūnaha whakapai wai, ngā wai paru rānei.

Hopu-whakamātau

Te kōhi wai	Te tuku wai				Te tiaki wai
	Tukunga wai (% me ngā ml)				
E hia te nui o te wai i tāpiria ai e koe ki tō whatunga wai?	Tukunga wai ā-hapori 1	Tukunga wai ā-hapori 2	Tukunga wai ā-hapori 3	Tukunga wai ā-hapori 4	I tiakina rānei te mauri o te wai e tō kaupapa mō te whatunga wai? I pehea rā?
1000ml					

Arotakenga

I pēhea te mahi a ngā whatunga wai e rua? He aha i pērā ai?	I oti i a koutou tā koutou horopaki ā-wero?
I tutuki i a koutou tā koutou whāinga ā-wero? I pēhea rā?	He aha tāu e panoni ai ki te mahia anō, mēnā rā he panonitanga?

Hei whakakapi

E hoa mā, he nui ngā raraunga kua whakaemihia e koutou, he nui ngā akoranga hou, ā, he mīharo hoki ngā whatunga wai. Me whakamahi ināianeī ēnei mōhiohio ki te whakautu i te pātai ā-wero.

Me pēhea e tae ai te wai ki a tātou?